

IZVJEŠTAJ NEZAVISNOG REVIZORA

Dioničarima Sparkasse Bank dd BiH:

Mišljenje

Skraćeni konsolidovani i odvojeni finansijski izvještaji, koji se sastoje od skraćenog konsolidovanog i odvojenog bilansa stanja na dan 31. decembar 2017. godine i skraćenog konsolidovanog i odvojenog bilansa uspjeha za godinu koja je tada završila izvedeni su iz revidiranih konsolidovanih i odvojenih finansijskih izvještaja Sparkasse Bank dd BiH („Banka“), Sarajevo i njenih zavisnih društava („Grupa“) za godinu koja je završila 31. decembra 2017.

Po našem mišljenju, priloženi skraćeni konsolidovani i odvojeni finansijski izvještaji su konzistentni u svim materijalnim aspektima sa revidiranim konsolidovanim i odvojenim finansijskim izvještajima, u skladu sa Zakonom o bankama Federacije BiH i Odlukom o eksternoj reviziji i sadržaju revizije u banci.

Skraćeni finansijski izvještaji

Skraćeni konsolidovani i odvojeni finansijski izvještaji ne sadrže sva objavljivanja koja zahtijevaju MSFI. Čitanje skraćenih konsolidovanih i odvojenih finansijskih izvještaja i pripadajućeg izvještaja nezavisnog revizora ne treba smatrati zamjenom za čitanje revidiranih konsolidovanih i odvojenih finansijskih izvještaja i pripadajućeg izvještaja nezavisnog revizora. Skraćeni konsolidovani i odvojeni finansijski izvještaji i revidirani konsolidovani i odvojeni finansijski izvještaji ne odražavaju utjecaje događaja nakon datuma našeg izvještaja o revidiranim finansijskim izvještajima.

Revidirani finansijski izvještaji i naš izvještaj o njima

Izrazili smo nekvalifikovano revizorsko mišljenje o revidiranim konsolidovanim i odvojenim finansijskim izvještajima u našem izvještaju od 26. aprila 2018. godine. Navedeni izvještaj također uključuje i komunikaciju o ključnim revizijskim pitanjima. Ključna revizijska pitanja su ona pitanja koja su prema našoj profesionalnoj prosudbi bila najvažnija u našoj reviziji finansijskih izvještaja tekućeg perioda.


Odgovornost Uprave za skraćene finansijske izvještaje

Uprava je odgovorna za pripremu skraćenih konsolidovanih i odvojenih finansijskih izvještaja u skladu sa Zakonom o bankama Federacije BiH i Odlukom o eksternoj reviziji i sadržaju revizije u banci.

Odgovornost revizora

Naša je odgovornost izraziti mišljenje da li su skraćeni konsolidovani i odvojeni finansijski izvještaji konzistentni, u svim materijalnim aspektima, sa revidiranim finansijskim izvještajima na temelju naših procedura, a koje su obavljene u skladu sa Međunarodnim revizijskim standardom 810 (revidiranim), Angažmani na izvještavanju o skraćenim finansijskim izvještajima.

Deloitte d.o.o.



Sead Bahtanović, Direktor i ovlašten revizor



Sabina Softić, Partner i ovlašten revizor

Deloitte se odnosi na Deloitte Touche Tohmatsu Limited, skraćeno D TTL, poznat i pod nazivom „Deloitte Global“, pravnu osobu osnovanu prema pravu Ujedinjenog Kraljevstva Velike Britanije i Sjeverne Irske (izvorno „UK private company limited by guarantee“) i mrežu njegovih članova i s njima povezanih subjekata. D TTL i svaki njegov član su pravno odvojeni i samostalni subjekti. Usluge klijentima ne pruža D TTL. Detaljan opis D TTL-a i njegovih članova možete pronaći na adresi www.deloitte.com/ba/cr-nama.

U Bosni i Hercegovini usluge pružaju Deloitte d.o.o. i Deloitte Advisory Services d.o.o., pod zajedničkim nazivom „Deloitte Bosna i Hercegovina“, subjekti povezani pod krovnom firmom Deloitte Central Europe Holdings Limited. Deloitte Bosna i Hercegovina je među vodećim davateljima profesionalnih usluga u zemlji, koje obuhvaćaju usluge revizije, poreske usluge, konsultantske usluge, usluge finansijskog savjetovanja i pravne usluge koje pruža više od 60 domaćih i inozemnih stručnjaka.